

REGLUR

um merkingar efnis í skófatnaði.

Gildissvið.

1. gr.

Reglur þessar taka til fyrirtækja sem selja skófatnað til neytenda og kveða á um skyldu til að merkja efni í aðalhlutum skófatnaðar.

Skrá, sem ekki er tæmandi, yfir vörurnar sem reglurnar gilda um er að finna í viðauka I.

Reglur þessar gilda ekki um:

- notaðan skófatnað,
- hlífðarskófatnað sem tilskipun 89/686/EBE¹ tekur til,
- skófatnað sem tilskipun 76/769/EBE² tekur til,
- leikfangaskófatnað

Orðskýringar.

2. gr.

Skófatnaður merkir í reglum þessum allar vörur með sólum sem ætlað er að verja eða þekja fætur, þar með taldir þeir hlutar sem eru markaðssettir sér eins og um getur í viðauka II. Skilgreining á einstökum hlutum skófatnaðar er að finna í viðauka II.

Fyrirtæki er einstaklingur, félag, opinberir aðilar og aðrir sem stunda atvinnurekstur.

Neytandi er einstaklingur sem kaupir vöru eða þjónustu gegn endurgjaldi, enda séu kaupin ekki gerð í atvinnuskyni.

Merkingar.

3. gr.

Einungis er heimilt að markaðssetja skófatnað ef upplýsingum um samsetningu hans er komið á framfæri með merkingum á þann hátt sem tilgreint er í 4.–9. gr. í reglum þessum.

4. gr.

Samsetning skófatnaðar skal annað hvort tilgreind með hjálp skýringarmynda eða skýringartexta um tiltekin efni eins og mælt er fyrir um í viðauka III.

Merkingarnar skulu veita upplýsingar um hina þrjá hluta skófatnaðar sbr. skilgreiningu í viðauka II.

5. gr.

Ef um efri hluta skófatnaðar er að ræða skal flokkun efnisins ákvörðuð með hliðsjón af ákvæðum í 6. gr. og í viðauka III án þess að tekið sé tillit til aukahluta eða styrkinga, svo sem ökklavarna, bryddinga, skreytinga, sylgna, leppa og lykkna fyrir bönd auk snúra og þess háttar.

Ef um slitsóla er að ræða skal flokkunin ákvörðuð með hliðsjón af magni efnisins sem í honum er, í samræmi við 6. gr.

¹ EES-gerðir, sérrit nr. 24, sbr. auglýsingu í C-deild Stjórnartíðinda nr. 31/1993.

² EES-gerðir, sérrit nr. 18, sbr. auglýsingu í C-deild Stjórnartíðinda nr. 31/1993.

6. gr.

Merkingar skulu veita upplýsingar um efnið sem er, í samræmi við viðauka III, minnst 80% af yfirborði efri hluta og fóðurs og bindsóla skófatnaðarins og að minnsta kosti 80% af efnismagni slitsóla. Ef ekkert eitt efni er að minnsta kosti 80% ætti að veita upplýsingar um að minnsta kosti tvö af aðalefnunum sem skófatnaðurinn er samsettur úr.

7. gr.

Upplýsingarnar skulu tilgreindar á skófatnaðinum með skýringarmynd eða skýringar-texta sbr. viðauka II og III.

8. gr.

Upplýsingarnar skulu að minnsta kosti tilgreindar á öðrum skó hvers pars. Þetta er hægt að gera með því að prenta upplýsingarnar, líma þær eða greypa á skóinn eða nota áfastan merkimiða.

9. gr.

Merkingar skulu vera læsilegar, tryggilega festar og aðgengilegar og skýringarmyndirnar skulu vera nógu stórar til að auðvelt sé að skilja upplýsingarnar sem þær hafa að geyma. Merkingar mega ekki vera villandi fyrir neytendur.

10. gr.

Ef þörf krefur er heimilt að bæta við áföstum upplýsingum í textaformi til viðbótar upplýsingunum sem er krafist samkvæmt reglum þessum.

Viðurlög.

11. gr.

Ef brotið er í bága við reglur þessar varðar það viðurlögum skv. 57. gr. samkeppnislaga nr. 8/1993.

Gildistaka.

12. gr.

Reglur þessar sem settar eru samkvæmt heimild í 32. gr. samkeppnislaga nr. 8/1993 skulu koma til framkvæmda 23. september 1996. Selja má vörubirgðir til 23. september 1997 ef þær hafa verið afhentar smásölu kaupmanni ásamt reikningi fyrir 23. september 1996.

Með reglunum er Ísland að uppfylla skyldur sínar samkvæmt samningnum um Evrópska efnahagssvæðið (EES).*

*Reglunar taka mið af tilskipun ráðsins um samræmingu á lögum aðildarríkjanna um merkingar efnis í aðalhlutum skófatnaðar nr. 94/11/EB.

Samkeppnisstofnun, 21. september 1995.

Georg Ólafsson.

Kristín Færseth.




Viðauki I**Dæmi um skófatnað sem fjallað er um í þessum reglum.**

„Skófatnaður“ getur verið allt frá sandölum með efri hluta sem einungis er lausar reimar eða bönd til klofstígvéla þar sem efri hlutinn hylur fótlegg og læri. Til skófatnaðar telst því eftirfarandi:

- i) flatbotna eða hælháir skór til nota utan- eða innandyrá;
- ii) ökklastígvél, kálfstígvél, hnéstígvél og klofstígvél;
- iii) ýmsar tegundir af sandölum, espadrillur (skór með efri hluta úr lérefti og kaðalsóla), tennisskór, hlaupaskór og aðrir íþróttaskór, baðsandalar og aðrar tegundir af óformlegum skófatnaði;
- iv) sérstakur skófatnaður til íþróttaiðkana sem hefur eða hægt er að festa á brodda, gadda, hök, klemmur, þverbönd og þess háttar og skautaskór, skíðaskór og gönguskíðaskór, glímuskór, hnefaleikaskór og reiðhjólaskór. Einnig skófatnaður með áföstum skautum eða hjólaskautum;
- v) ballettskór;
- vi) skófatnaður sem er framleiddur úr einum hluta, t.d. með því að móta gúmmí eða plast, nema einnotaskór sem eru framleiddir úr léttum efnum (pappír, plastfilmu o.s.frv., án sóla);
- vii) skóhlífar sem eru notaðar utan yfir annan skófatnað sem í sumum tilvikum er án hæla;
- viii) einnotaskófatnaður með sóla, venjulega ætlaður til að nota aðeins einu sinni;
- ix) sérsníðaður skófatnaður.

Viðauki II

Skilgreining á þeim hlutum skófatnaðar sem merkingarnar taka til.

	Skýringarmynd	Skýringartexti
a) Efri hluti Þetta er ytra byrði þess hluta sem er festur við slitsólann.		IS Efri hluti F Tige D Obermaterial IT Tomaia NL Bovendeel EN Upper DK Overdel GR ΕΠΙΑΝΩ ΜΕΡΙΟΣ ES Empeine P Parte superior FI Päällinen N Overdel S Ovandel
b) Fóður og bindsóli Þetta er fóður efri hlutans og innsólans sem myndar innra byrði skófatnaðarins.		IS Fóður og bindsóli F Doublure et semelle de propreté D Futter und Decksohle IT Fodera e Sottopiede NL Voering en inlegzool EN Lining and sock DK Foring og bindsål GR ΦΟΔΠΕΣ ES Forro y plantilla P Forro e Palmilha FI Vuori ja sisäpohja N For og bindsåle S Foder och bindsula
c) Slitsóli Þetta er neðsti hluti skófatnaðarins sem er festur við efri hlutann og er slitið.		IS Slitsóli F Semelle extérieure D Laufsohle IT Suola esterna NL Buitenzool EN Outer sole DK Ydersål GR ΣΟΛΑ ES Suela P Sola FI Ulkopohja N Yttersåle S Slitsula

Viðauki III

Skilgreining á efnum ásamt samsvarandi skýringarmyndum.

Skýringarmyndir efna ættu að vera á merkimiða nálægt skýringarmyndum þeirra þriggja hluta skófatnaðar sem eru tilgreindir í viðauka II.


Leður

Skýringarmynd

Skýringartexti

Almennt heiti fyrir húð eða skinn af dýrum þar sem upprunalegar trefjar hafa varðveist að mestu ósnertar og sem hefur verið sútað til að verja það rotnun. Í sumum tilvikum eru hár og ull fjarlægð en í öðrum ekki. Leður er einnig unnið úr húð eða skinni sem er klofið í lög eða hlutað niður annað hvort fyrir eða eftir sýtun. Ef sútaðri húð eða sítuðu skinni er sundrað á vélrænan og/eða efnafræðilegan hátt í trefjaeiningar, litla hluta eða duft sem síðan er mótað, með eða án bindiefna, í húðir eða annað form telst það ekki vera leður. Ef yfirborð leðurs er húðað, hvernig sem það er gert, eða aukalag límt á yfirborð leðursins má slíkt yfirborðslag ekki vera þykkara en 0,15 mm. Þessi skilgreining á þannig við um allt leður, með fyrirvara um aðrar lagalegar skuldbindingar, t.d. Washington-samþykktina.

Ef notað er heitið „hárhamur“ í valfrjálsum viðbótarupplýsingum sem um getur í 10. gr. á það við um leður með upprunalegan hárham sem stendur eftir þegar húðþekjan hefur verið fjarlægð en án þess að einhver hluti yfirborðsins hafi verið fjarlægður með því að fægja það, slípa eða kljúfa.



IS Leður
 F Cuir
 D Leder
 IT Cuoio
 NL Leder
 EN Leather
 DK Læder
 GR ΔΕΠΙΜΑ
 ES Cuero
 P Couros e peles
 curtidas
 FI Nahka
 N Lær
 S Läder

Húðað leður

Vara þar sem þykkt leðurhúðarinnar eða aukalagsins sem er límt á yfirborð leðursins er ekki meira en þriðjungur af samanlagðri þykkt vörunnar, en meira en 0,15 mm.

Skýringarmynd




Skýringartexti

IS	Húðað leður
F	Cuir enduit
D	Beschichtetes Leder
IT	Cuoio rivestito
NL	Gecoat leder
EN	Coated leather
DK	Overtrukket læder
GR	ΕΠΕΝΔΕΔΨΜΕΝΟ ΔΕΠΙΜΑ
ES	Cuero untado
P	Couro revestido
FI	Pinnoitettu nahka
N	Belagt lær
S	Överdraget läder

Náttúruleg textílefni og gervitextílefni, ofin eða óofin

Með „textílum“ er átt við allar vörur sem fjallað er um í tilskipun 71/307/EBE og breytingum á henni.



IS	Textílefni
F	Textile
D	Textil
IT	Tessili
NL	Textiel
EN	Textile
DK	Tekstilmaterialer
GR	ΨΦΑΣΜΑ
ES	Textil
P	Téxteis
FI	Tekstiilit
N	Tekstilmaterialer
S	Textilmaterial

Öll önnur efni



IS	Öll önnur efni
F	Autres matériaux
D	Sonstiges Material
IT	Altre materie
NL	Overige materialen
EN	Other materials
DK	Andre materialer
GR	ΆΛΛΑ ΨΛΙΚΑ
ES	Otros materiales
P	Outros materiais
FI	Muut materiaalit
N	Andre materialer
S	Övriga material